



Differtatiuncula
SUPER

INDVCIIS
BELLI BELGICI.

Auctore
LATINO PACATO.



ANNO

M. DC. IX.

1567

20

3.0.




visu
dus
nau
aug
grat
tur
qua
ad e
paci
tun
clad
qua
dum
non
pfer
cert
lita
quis



Differtatiuncula.

SUPER

INDUCIIS.

 Uemadmodum iis, qui in magno mari periculis ac tempestatibus diu multumque jacti sunt, nihil exoptati⁹ votis, nihil auspicius visupotest evenire, quàm si Gemellorum sy- dus cælo lumen suum exerat, unde præscia nautarum corda spè propinquæ serenitatis augurari solent: ita non est dubitandū quin gratissima voluptate ac lætitia perfundantur mentes bonorum omnium, postquam induciarum lux quasi signum extulit ad expectandum inde fidam & perpetuam pacem, quæ sola potest in solido locare fortunas & incolumitatem Belgarum, post tot clades atque calamitates quæ jam per annos quadraginta miseros cives crudelem in modum affligerunt. Ac licet publica securitas nondum voti sui robur ac fiduciam assumpserit: tamen maxima res effecta est, ex quo certa spes affulsit diurnas à bello & hostilitate serias conventum iri. Nam & optimus quisq; confidit, & prudentissimus prælagit

A 2

fore ut semel degustata quietis atq; otii dulcedine facilis sit futura concordia inter fratres & consortes populos, bonumque illud, quod initio certis temporū spatiis includebatur, proprium tandem ac perpetuum evadat. Nam quis est tam expers humanitatis, tam ab omni fœdere averlus, tam ab ipsa natura degener quem bella discordieq; civium sua sponte delectent? qui non malit ad tranquillitatis portum appellere, quàm cōtinuis barbarum pugnarumq; fluctibus inquietari. Sed incidunt aliquando necessitates, & angustiae rerum hujusmodi, ut viri fortes nō possint aliter vitam & salutem suam ab injuriis & intolerabili servitio propugnare, quàm si in Martiū. ut sic dicā, hunc campū descendant, non ut præturas aut consulatus ambiant, sed ut sanguinem suum ut conjuges ac liberos tueantur, & quidquid apud gentes sanctum habetur. Talis cogitatio apud benignos rerum humanarum arbitros aut veniam nobis, aut etiam aliquam generosæ indolis ac fortitudinis laudem assignabit. Neq; enim ulla magis legitima causa est arma capiendi, quam servitutis depulsio, quàm vitæ & incolumitatis tutela contra vim & immoderatā dominationem potentiorum. Sed faustis potius, & secūdis omnibus prosequi convenit expectationem beati sta-

ti status qui jam in limine præsto esse speratur, quàm obductas cicatrices refricare dicendo: quanquam grata solet esse, & solatium adfert gravia passis secura commemoratio præteritarum calamitatum.

---- *Et quæ perferre molestum*

Antè fusi memuisse juvat,

postquam ad finem mala pervenerunt. Ut enim iis qui ex gravi morbo recreati sunt jucundior est fructus, & acrior sensus restitute in integrum valetudinis, quàm si nunquàm ægri fuissent: ita nemo melius bona sua novit, quàm ii quos sævi labores, & ambigui casus plurimum exercuerunt. Intelligamus igitur felicitatem nostram & eam gratis animis interpretemur, sepositis malignis suspicionibus quæ tamdiu hoc beatæ pacis negotium prorogaverunt. Libens assentior iis qui providam & sapientem diffidentiam opinantur esse firmissimum adversus fraudes & insidias munimentum, securitatem: contrà patère ad ictus, nec quenquam facilius opprimi quàm qui nihil metuat. at si in alterutra parte peccandum sit, satius esse vanis moveri, & omnia tutatimere, quàm inani credulitate velut hamo inescari. Sed habeat hæc diligens cautio locum, ut quæ provideri humano consilio possunt antè commentemur, & animo præcioiamus, ne veni-

dum sit ad illam incōsiderantiæ excusationē
 NON PUTARAM, quam scopulo pejus formi-
 dare debent ii quibus populi salus cōcredi-
 tur. In hac parte non possumus esse nimirum
 timidi minusque proni ad benēsperandum:
 heic decet unumquemq; pro communi bo-
 no, ut cum Latino rege loquar.

Cōsulere, atq; omnis metuē expēdere casus.

At verò sequestranda est intēpestiva moro-
 sitas, & nimia sollicitudo, si futura sit impe-
 dimento quo minus res maximē utiles ac sa-
 lutares ad optatū & felicē exitum perducā-
 tur: Facerē temerē, & privati hominis modū
 ac modestiā excederē, si curiosius inquirere
 auderē in actiones eorū q̄ sedēt ad clavū im-
 perii quorū curę ac vigilantie p̄mittitur, ut
 videāt ne quid respublica detrimēti capiat.
 nefas sit dubitare quin tanto quisq; impēsi⁹
 libertati cautū voluerit, quāto scrupulosior
 est in evolvenda conceptione verborū, qui-
 bus absq; omni cavillo & circuiti planū &
 perspicuum fiat nos esse populum utentem
 nostris legibus, omni nexu fidelitatis aut cli-
 entelæ omniq; jure alieno solutum. Sed ubi
 subscripta & obsignata fuerint omnia quæ à
 versutissimis ingeniis ad tollēdas omnes ex-
 ceptionū ambages excogitari possunt, quid
 erunt ista prēter vocabula artis: prēter cāti-
 ones formularum prēter literas & voces, in-
 firma sanē fidei vincula, nec idoneos obsides

diuturnitatis nisi magnatas ultro sibi legem
dicāt, ne ulla spe vel ingētis cōmodi neve ul-
lo prētextu recedere velint à pmissis: Nihil
est in hominū societate fide sanctius nihil in
rebus divinis jurejurando. Sed si quis, ut ait
Tragicus, linguā juret mentē injuratā gerat,
prēsertim regni gratia, quo pretio Julius Cē-
sar jus violandū esse dicebat, & re ipsa viola-
vit: jā nihil erit ad decipiēdos simplices effi-
caciū religionē sacramenti. Nonne magna
pars eorum qui in summo dignitatis fastigio
versantur, verum esse comprobant id quod
à Lyfandro dici solitum accepimus, pueros
ludere astragilis, principes pjuris? Nunquā
deerit hominib⁹ ad fraudē paratis color, aut
effugiū, ne pacto stetutur cujus eos pœniteat,
idq; nullis fœderū aut conventionū formu-
lis vitari potest. Idcirco etiā potentissimorū
regū ac principum Legati dominorum suo-
rū authoritatē in hāc causā obligare parati
sūt ut securitati nostrę cōsulatur. Porro cō-
ditiones & leges penē dicā horrēdi carminis,
quæ postulantur à principibus in altissimo
rerum humanarum fastigio constitutis, cum
nullam contineant evidentē utilitatē, nec al-
liud quærant prēter cōtumeliam sceptrige-
rorum monarcharum, non videntur propo-
ni animo impetrandi, sed ut aliquo, justī
colore negotium omne pacis aut inducia-
rum conturbetur. Ajunt juris conditores

non esse hominum malitiis indulgendum, idque satis superque dicat communis sensus. Quid porro minus ingenuo & candido petitori convenit, quam id postulare, quod nec tibi profit, & officiat alteri. Sunt qui contemptim traducunt, & sermonibus extenuant vim illius sive agnitionis, sive declarationis, qua status noster tanquam respublica libera gentis ab adversa parte nominatur. Sanè nihil inde fit accipientium nec ad vos quidquam redit, nisi quarum rerum possessionem sanguine ac sudore per annos plurimos velut usucapione partam habemus: & quidem ita ut maxima pars Christianarum gentium persuasum habeat, causam nostram optima lege fundari. Sed si spectetur majestas, & immensa magnitudo regis Hispaniarum, vix timida votorum nuncupatione quidquam majus à Deo immortali sperare poteramus. Quis enim unquam credidisset post tam diuturnabellam per populorum olim subditum gesta cum tam potenti regnatore, futurum ut avito patrimonio dejectus, non tantum reconciliationis spem & prateritorum oblivionem ostenderet, verum etiam sua quodammodo confessione, nos legitimo jure subnixos esse pronunciaret? Id nobis & ad famam honorificentius, & ad spem stabilitatis firmitus. & ad existimationem vicinorum speciosius videri

deri debet, quàm si disertioribus verbis significarent adversarii nobis in perpetuum cedere, & resignare omnia jura, nomina & obsequia, quibus antea Austriacæ domui devincti eramus. Nam hoc pacto libertatis nostræ titulos originem suam caperet ab eorum beneficio, nec ad retrogesta vim suam extenderet. Nos autem publico jure & sacratarum legum autoritate causam nostram munitam esse dicimus, nec pendere ab alieno concussu. Non enim infinitam potestatem permissam esse principibus in Belgas ut iis qui bello victis leges pro arbitratu imponunt; sed adstringi certis privilegiorum ac rituum formulis, à quibus si recedant, nec moniti meliora sequantur, tunc Ordinum sit providere ut respon. benè administretur. Hoc fundamento niti libertatem nostram asserimus nec sine nota prevaricationis aliud titulum ambire debemus: alioqui multum decedet de causæ publicæ dignitate, si fiduciarum jus ad hoc usque tempus habuisse censeamur. Quid quod communi opinione prudentium receptum est jura majestatis in posterorum prejudicium nec cedi. nec ullo quantumvis longissimo temporis spatio præscribi posse? Reges enim pupillis comparantur in administratione eorum quæ ad statum imperii pertinent, & in integrum re-

stituuntur si quid perperā alienarint. Tutores enim & depositarii sūt publicę salutis, ut rem populi salvā fore & nō eversum iri procurēt ac spondeant. ut deposituū custodiāt, nō ut intervertant. Quin & amabilis ille error plerisq; Cęsarib⁹ utiliter insedit, idē se Augustos appellari quōd imperium augere debeant, nō imminuere, nec debilitare. Aur igitur prorsus excludēda fuit omnis de pace vel induciis disceptatio; aut eo contenti esse debemus q̃ more majorum, quod incolūmi Regū majestate q̃ salvo jure salvisq; legibus concedi potest. Hoc pacto satius est à volentibus obtinere minam, quā talentum per importunam efflagitationē. Ex formula fiducia inter bonos benē agier oportet, ex disciplina humanitatis quidquid honoris detulerim⁹ sceptris, & tiaris, dū ea comitas nullam libertati labem aspergat, eo plus cōmoditatis & invidię minus cōsequemur. Id cōsiliū nobis datur à magnis regibus optimē erga nos animatis, & quibus rerum nostrarū status ad liquidū perspectus atq; exploratus est: qui nec ob prudentiam facile decipi possunt, nec ob innatam animi generositatem decipere vellent gentem observantissimam ipsorum Majestatis. Caterum & si magnæ molis deliberatio tardos solet habere progressus, & minimē faciles explicat⁹ in adminis-

nistratione populari, ubi tot capita sunt, tot
sententiæ: tamen illud non est in dubio po-
nendum, quin unum omnes sentire debeat-
mus. Neque enim tam ad rerum nostrarum
summā pertinet consultare utrum induciæ
placeant an bellum, quam omni ope caven-
dū est ne dissensione ac pertinacia (quæ ple-
rumq; rem in discrimen adducere solet) re-
cta, & reip. salutaria consilia corrumpantur.
Facto heic & maturato opus est, ne ut in lē-
tis & contentiosis deliberationibus sæpe ac-
cidit, ea videantur optima quorum tempus
& oportunitas effluxit. Vitia omnia, & in-
commoda quæ ex armorum intermissione
metuuntur una re declinari facillimè pos-
sunt, si in medium consuluerimus, si cōcor-
des erimus, si prudēter & circumspēctē nos
geramus: intenti ad omnes eventus ne quid
præter expectationem imparatis objicia-
tur. Sed ii qui tam sedulò recensent causas
formidinum ad alendam in perpetuum dif-
fidentiam, ut sic inter fratres duret immor-
tale bellum quod sola contrariæ partis in-
terneceione finiri queat, veluti incendium
quod ruina restinguitur, postquam nihil
amplius superest quod exurat: ii tanquam
importunæ muscæ locis impolitis adhære-
scunt, levia prætervolāt nec ex aduerso per-
pendunt quanta bona, quantæ commodi-
tates ex

tates ex induciis sperari debeant. Multi rerum temporumq; consulti in ea sunt opinione, ut existiment magis in rem nostram fore pacem induciarum, quàm si ex tam diuturno & lamentabili bello processus continuo fiat ad concludendam pacem, quæ (præter quod omnis mutatio sensim ac pedetentim induci debet nec uno impetu transendum est ex alio in aliud extremum) forte nec fida, nec diuturna foret. Exemplis enim & vetustis & recentibus compertum est, inducias plerumq; sacratiores esse, ac minus violabiles, quàm fœdera perpetuæ pacis Cui experientiæ ratio etiam aliqua suffragatur. Nam cui conventa pax displicet, vix alio pacto potest animum explere, & offensiones suas ulcisci quàm fidem violando. Qui non probant inducias, exspectatione finis dolorem suum frænant, ac moderantur. Quid non commodi sperandum est, ut alia tacitus præteream, ubi sine mutuo metu ultro citroque commeari licebit? dextras jungere? notas audire ac reddere voces? propinquos & amicos longo post tempore visitare? an non verisimile est ex tali conversatione mentes ejusdem gentis in unum coalituras, quas arma distraxerunt? an non arbitramur fore ut communiter & certatim pro se quisque dirum Martem exsecrentur? an non illud cui-

cuiusvis liquet Brabantinos, Flandros, Han-
nones, Artesianos & quantum penè est Bel-
garum suo imperio ac ditione Archiducum,
ardentiori pacis & compositionis cupidita-
te efferri quàm nosmet ipsos. si non a se èctu
& animorum inclinatione erga nos, saltem
commodi sui studio, & spe florentioris for-
tunæ. Vident enim quod omnibus perspi-
cuum est, res opesque nostras bello crevisse,
suas contra paulatim atteri velut tabe qua-
dam & semper abire in pejus, nec unquam
Batavos ac Zelandos meliore loco fuisse,
quàm in quo nunc siti sunt. Cæterum hæc
tanta felicitas non humanis viribus aut cõ-
siliis, sed divino favori tribuenda est, cuius
ope per tot annorum curricula bellum ges-
simus cum potentissimo terrarum monarcha.
Discamus ergo benè ferre magnam fortu-
nam, eamque reverenter habeamus, ne ex in-
solentia sequatur rerum commutatio Multi
temerè & imperitè supra modum extollunt
potentiam nostrarum partium, nec satis ma-
gnitudinem hostis expendunt, quo nullus
(cur enim fileatur veritas?) ab orbe condito
latius imperitavit. Si quid in eo est imbecil-
lum, idèd sit quia tantæ molis est ut se toto
uti non possit, & quia omnis nimia magni-
tudo suis ipsa viribus fatiscit. Illud quod
antè dixi repeto, neque enim satis unquam
ce-

celebrare possumus divinā erga nos indulgentiam & misericordiam : miraculo tamdiu stetimus contra tot regnorum ac regionum dominatorem, cujus immense ditionis iisdem penē metis ac spatiis, quib⁹ solis cursus, terminatur. Ea porro quę divinitus accidūt, & à majore vi proveniūt raro & inusitato Numinis favore, non sunt trahenda in exemplū nec ad consequētiam pducī debent, alioqui sub velo religionis perniciosē erraremus. Non est ergo cur ob virium nostrarum fiduciam gloriemur, & superbē respuamus sub honestis legibus cōditionem induciarū. Illud potius vereri convenit, ne si tam præclaram occasionē ex consilio summorum Regū ac Principū oblatam repudiemus, serò postea eandē quæramus & quæramur ademptā. Non semper præpotentibus dominis idem manet animus, nec fallaci auræ nimis fidentum est Fortunam vitro consimilem esse ferunt, resplendet illa quidem, sed levi momento frangitur : eam qui nimis avidē inhiat, malè cūcoquit, & velut dulci temeto victus lympharum luxuriare cōsuevit. Æqua mēs sibi frēnos imponit, & fortis apparet in adversis, nec reb⁹ prosperis ultra terminum moderationis evehitur, aut se felicitate corrumpi sinit. Hec occurreret iterum ab iis qui nodū in se cirpo quærunt, & erit, inquiēt, ut per

ut per opportunitatem induciarū hostis fortunas suas constabiliat potentiamq; & opes ita firmet, ut nulla vi postea pares ad resistendum esse possimus. Quasi verò nūc exiguus ille terre limbus quē insidemus, cum illius latifundiis sit ulla ex parte cōferendus. Et verò quid obstat quin & ipsi utamur commoditate pacati temporis? quin ex præcepto medicorū cavemus in prospera valetudine ne adversæ præsidia corrumpantur? quin attenti simus ad ærarii vires rectè dispensandas? quod quidem nervos esse belli fateor, nec disciplinā servari posse à jejuno exercitu: sed & imperii dignitas, & ornamenta pacis sine tributis ac vectigalibus stare nō possunt. Verum sunt alia longe præstantiora, quibus populi salus, & rerum publicarum fortuna cōtinetur. In eo genere ante omnia est erga Deū Religio, quæ conscientiam mentis nostræ regit: est item erga homines justitia, quæ iuris ac legum sanctione fundat humanam societatem: postremo curam morū bonorum, vigorq; disciplinæ, sine qua maximæ res & opes, tãquam corpus anima spirituq; defectū sua mole calabascunt. Hæc potissima fulcra & firmamenta omnis politici status, quæ cōcussa sunt belli ipsius impetu pacis beneficio rursus in pristinum restituenta sunt, & salutaribus consiliis vincienda.

cienda, quæ per civiles motus penè collapsâ
fluxerunt. Hoc si fiat, & si sepositis dissensi-
onibus, ac factionibus omnes unum idemq;
senserimus, facile nos adversus externâ vim
tutabimur. Sin invicem collidemur intesti-
nis certaminibus, nō erit recusandum quin
malo mulctemur, quod ipsi nobis Marte no-
stro consciverimus. Equidem assentior eos
qui rebus gerendis præsumunt, illud in primis
spectare debere, quum agitur de finiendo
bello, vel ineundis fœderibus, utrum ii, qui
pacem proponunt, insidientur temporibus,
& id faciant adducti necessitate rerum sua-
rum: an verò sponte, & impulsu benignæ vo-
luntatis aut (quod eodem penè recidit) tæ-
dio sumptuum & malorum, quæ bello civili
comitantur. Nimis sanè nos circumspici-
mus, & vires nostras falso modo metimur, si
credimus hostem eo loci redactum esse, ut
ad indignas majestate sua condiciones dela-
bi cogatur. Ac de Archiducibus quidem,
vix ulla probabilis causa est cur dubitetur;
quin ex animo pacem malint cum certissi-
ma securitate, & omni affluentia rerum o-
ptimarum, quàm perpetua bella cum ingē-
tibus impēsis, & quotidiano discrimine sub-
ditorum. Placidam eorum mentem adhuc
magis mitigat orbitas, & prolis desperatio.
Hinc verisimile est eos potius de regundis
imperii

imperii finibus esse sollicitos, quàm de propagandis. Ambitio quanquam potentium mentes fatigat, plerumq; tamen friget ubi deficit suus hæres. Nec est desperandũ quin regem ipsum Hispaniarum seriò pigeat tam diu piscari aureo reti, tantasque opes effundere gerendo bello cum gente quæ

Per damna, per cades ab ipso

Ducit opes animumq; ferro.

Quod autem nonnulli verentur, ne data ultro citroque commeandi facultate, passim huc illabatur, & in viscera status nostri obrepant emissarii atque artifices factionum, qui largitionibus & promissis; aut (quod utroq; potentius est) obtentui religionis, fidem & animos civiũ labefactare conabuntur: id non est de nihilo. Sed quorsum alio tendunt leges, & eorum custodes magistratus, nisi ut in tales diligenti indagine inquiratur, & adversus convictos exemplum statuatur? At in tali periculo patientur hebescere aciem publicæ authoritatis an curatoris egēt nostri Ordines, quasi rebus suis superesse non possint? Si per civiles discordiās, quæ vim imperii resolvere solēt, non defuit oportuna severitas, an tēpore pacis aut induciarum jura judiciaq; silebunt? Nec est quod falsa fallaciq; spe laetemur, nobisque palpum ipsi obtrudamus, quasi principibus

B

iis qui pacem aut inducias suadeant, tantæ curæ sit. aut esse debeat nostra sal^o & incolumitas, ut nunquam passuri sint, quoad in ipsorum erit manu, nos sub hostiû potestate ac ditionem redigi, ne supra modû increscar magnitudo vicinorum, ut si naçta sit materiem ambitiosam & Martialê, facile impelli possit ad invadendam alienam possessione. Reges enim moderatores sût, & arbitri suarum actionum, nec ab alterius auspicio consilium sumunt. Ut nihil dicam de sinistra curiositate eorum, qui tam temere secretos magnatum recessus, & intimas cogitationes rimantur, quiq; sciunt quod nesciunt: quid opus est conjecturis in re perspicua, quum de contraria eorum voluntate satis liqueat? Nulla ratio suadet, nulla vis cogit ut aliud verbis ostendent, aliud corde meditentur. Talis simulatio non cadit in illustres heroû animas. Alter bellorum in expertus, & paci semper assuetus ingenio ad eam & affectu totus fertur, adeo ut nullis speciosis cõditionib^o à proposito demoveri potuerit, quin pacẽ cum Ibero feriret contra multorû spem & studia minimè obscura, quæ labantem animum in contrarias partes rapere potuissent. Galliarû Regẽ magnitudinis suæ securû sola benevolẽ mentis indoles hortata est, ut & ante nos in gentib^o subsidiis adjuverit, & nunc

& nunc idē animus incitat ut nos salvos esse velit etiam invitos ac reluctantes, quod optimū est misericordiæ genus. Alioqui quis nescit naturali divortio reges & respublicas inter se dissidere? Sic illis cordi sum⁹ ut habeant etiā rationē dignitatis, ut se respiciāt, & famā vereātur, ne quid fecisse velint q̄ incōmodis opinionibus materiā, aut occasiōē subministret. Illa verò capitalis & pernitiosa opinio lōgē segregāda est, quę tamē velut oraculū inculcatur multorum mētibus, nimirum nos incolumes & salvos esse nō posse, nisi continenter in armis simus, & absq; ulla missione digladiemur more prædonum ac piratarum, quorum vita semper subiecta est, atq; in acie ferri versatur. Sanē si tā dura lege viverem⁹, quis generosa virtutis indole præditus non optaret semel mori potius, quā hac perpetua sollicitudine conflictari ut ille purpurarum cultor.

*Districtus ensis cui super impia
Cervice pendet?*

Sed nō ita res habet, & tam detestandū omen De⁹ avertat Omnia securitatis humanę præfidia & pignora nobis ultro suppetunt, nisi nobis deesse velimus. Adfunt & consilii aucthores, & fidei sponsores Legati maximorum Monarcharum & Principum, qui nos tranquillo animo esse jubent, & rata fore

spondent ex persona suorum Dominorum,
quęcunque pacto induciarum continebun-
tur. Neque tamen inficiari velim opus o-
mnino fore, ut prædiario milite firmentur
urbes limitaneę, finitimęque hostili agro,
ne quid ex improvise mali oriatur. Nescio
an præ studio ritu Sabinorum somniam quod
velim; sed hac jucunda opinione sustentor;
sequeuturam mox pacem ubi semel hanc a-
mabilem otii loton degustare susceperimus.
Quemadmodum ajunt iis qui ex Clitorio
fonte biberunt oboriri vini tedium, ita ca-
piet nos satietas bellandi simulatque dulce-
do sequestrę pacis manare ad sensus, & in a-
nimos influere occeperit. Aure surda præ-
ter labedi sunt Sirenum cantus, qui nullam
spem incolumitatis ponunt nisi in continu-
atione miseriarum, atq; in omnium rerum
perturbatione, hoc est qui in turbis otium;
in naufragio portum quærunt. Ingeniosis
hominibus patet uberrima dicendi materi-
es, quę sinistra & insidiosę pacis mala com-
memorantur. heic lusciniolę nunquam de-
est cantio. Nec ego ne nihil timeamus mo-
neo, sed ut timorem nostrum sana ratio, &
communis utilitas moderetur, non quęsitę
ex alto causę suspicionum. Sunt enim non-
nulli augures sinistri, judicio suo valde sapiē-
tes, qui non tantum ea quę ante pedes sunt
vident

videant, sed etiam in posterum lōgè præsentiunt. Hi valde, scilicet, de perpetuitate imperii, deq; publica salute solliciti quærunt, etiam si pactæ induciæ bona fide serventur, quod vix futurum ominatur, dum *metuant Danaos, & dona ferentes*: quid nobis denique futurum erit ubi tempus pactiōe definitū præterierit: Justius eos interrogare possem, quid nobis hoc puncto temporis fiet si oblatas conditiones aspernati erimus? quid non miseriam perpeſſuri sumus. quid non adituri periculorū, si ab omni apparatu parum instructis, ab amicorum præsidio derelictis iterum ad cædes & prælia veniendum fuerit. Quid si prælio fusi fugatique erimus, & alia notabili pugna vincamur, ut est Martis alea semper anceps & incerta? nec nobis res est cum imbelli, vel imbecillo hoste, quantum arbitramur fore miserandam conditionem nostri status? Hactenus auxilio atq; opibus duorum magnorum Regum adjuti ægre tamē sustentavimus, quid futurum est ubi repudiato eorum cōsilio sub cultro soli linquemur, ut etiam merito passi esse videamur quidquid evenerit calamitatis? Jam verò si minæ erumpant in nervum, & studio certaminum ad cætera vulnera nostræ reipub. malorum extremum accedat, discordia provinciarum, distractioque à com

causa, quæ salus non servare poterit, quum animis virisq; juncti pares non sumus?

ἢ κεν γηθήσαι Περίαντος Πριάμοιο τε παῖδες.

Hoc hostis velit, & magno mercentur Iberi.

Tamē non defunt, qui hoc exitiale discidiū authoritate patrii moris, & privilegii cujusdam prerogativa defendunt, ut cum ratione insanire videātur, quasi in tanta re nihil statui possit nisi conspirantibus in unanimum sententiam omnibus Provinciis: quod quidem verum esse fateor, sed perniciosissimum exemplo foret tali prætextu quasi per concussionem bono publico remotā objicere, & sanioris partis consensum impedire. Non sunt habenda pro legibus quæ contra salutem reipublicæ tendunt. Nulla re magis cōciderunt potentes populi, quàm libertate discordi, & intempestiva privilegiorum observatione. Nec immerito culpatur Cato. vir alioquin omni laude absolutus, quod quū patria esset in extremum adducta discrimē, nimis antiqui moris retinēs fuerit, & ita vitā instituerit quasi fato delatus esset in rep. aliquam Platonis, nō autē in facem Romuli. Vir sapiens enim, & bonus civis temporis cōsilia sua accommodabit, ne frustra obnitendo prævalidis, & ingravescentibus vitiis sententiam dicat cui nemo suffragetur, aut obtemperet. Legum oportunitates, ut remedia

media quæ corporibus adhibentur, leniter inflecti debet. aut interdum planè lolli, si id exigat suprema legum omnia norma, salus populi. Nulli fuerunt observantiores rethrarum à Lycurgo latorum, quàm Spartani, hoc ipso gloriebantur, inquit Xenophō, & ingētes animos tollebant, quod humili obsequio sese submitterent patriæ legibus. Quum autem per eas non esset permissum, ut idem bis præfectus maris crearetur, & tamen omnino tempora postularent ut Lysandero munere fungeretur: Aracum quæpiam declararunt titulo tenuis classis præfectum, sed specie legationis totam potestatem Lysandro transcripserunt. Iidem quum ea tempora incidissent, ut necessitati potius quàm cōsuetudini parendū esset, dixisse feruntur, dormiant hodie leges. Scipio Africanus quum ad necessarium reip. usum planè op⁹ foret ut ex ærario pecunia promeretur, nec id facere auderēt quæstores. quod se lege prohiberi affirmarent: claves poposcit, & cum dicto ærarium apperuit, ac legem utilitati cedere coegit. Quæ reip. salutaria sūt ea salvis legibus, & bono more fieri censentur: hoc jus ipse Jupiter sanxit, & ut agebat magnanimus Hector, optimum est auspiciū pugnare pro patria. Siquis itaque ro-

get, quis exitus nos manebit ubi fuerit elapsum tempus iuduciarum, longè iustius ex eo quæram, quem finem habitura sunt hæc civilia bella? quæ mens est nostrorum armorum? quis scopus? quis terminus? Omne bellum iustum ac legitimum ea spe & cogitatione suscipitur, ut sine injuria in pace vivatur,

— *Pax optima reum*

Quas homini novisse datum est, pax una triumphis

Innumeris potiar.

Pacem intelligo qua sejuncta sit à pactione servitutis aut ignominia, quæ nihil habeat insidiarum, quæ talis sit in recessu qualem dulce nomen promittit. Etiam si nobis ad bellandum obstinatis omnia prospere feliciterque succedant (quod tamen temerè augurari non oportet, quum Deus oderit nimis avaras & immodestas cupiditates) quod amplius jure nobis est sperandum, quàm ut nostra conservare possimus, neu modum egrediamur inculpatæ defensionis? Non enim si legitima causa fuit cur ab Hispaniarum Regis sacramento deficeremus, eadem nobis militabit si eos fines excesserimus,

Quos ultra citraque nequit consistere rectum.

Porro quum nullo non tempore suspecta nobis esse debeat inconstantia rerum humana-

mana-

manarum varietasque desultoria fortunæ:
tum nunquam magis cohibendi sunt inso-
lentes spiritus. quàm quum omnia ad nutū
& voluntatem fluere videntur. Etiam si vi-
ribus pares essem⁹ (quod est summæ impu-
dentiæ nobis arrogare) etiam si superiores,
tamen in ipsa victoria quæ plerumq; negli-
gentiam creat, & à rectè consulendo abdu-
cit, maximè paci studendum est, nec exspe-
ctandum donec atrati eam petere cogamur,
ut agebat Demades popularibus suis intem-
pestiva dimicandi cupiditate flagrantibus.
Quum perlatus esset Carthaginem nuncius
victoriæ Hannibalis ad Cānas, qua penè ad
exitii metam venit Romanum imperium,
videbatur nefas injicere ullam pacis mētio-
nem: non eo segnius tamen Hanno Barchi-
næ factionis adversarius, quem semper belli
contra Romanos suscepti pœnituit, prudē-
ter hortatus est suos cives, ut in secundis re-
bus fortuna uti vellent, & de pace potius,
quàm de bello cogitarent. * Nam si, inquit, * Liv. xxx.
prætermittimus hoc tēpus quo magis dare quàm, Lib.
accipere possumus videri pacem: vereor ne hæc
quoq; letitia luxuriet nobis ac vana evadat. Nec
falsus vates fuit. Nam quum tunc tempo-
ris ab animis ingēti letitia occæcatis repu-
diata esset ejus sententia, serò postea à Sena-
tu laudata fuit, quum eo redacti essent mise-

III. Lib. de
bello civ.

riarum, ut quas cōditiones antè ferre poterant, eas deinceps suppliciter orando non impetrarint. Mentis enim hominum dulci fortuna quasi inebriantur, ne videre possint quæ sunt ex usu. Quem casum vitare cupiēs Cæsar* scribit hoc unū esse tempus de pace agēdi, dū sibi uterq₃ consideret, & pares ambo viderētur: si verò alteri paullū modo tribuisset fortuna, nō esse usurū cōditionibus pacis eū qui superior videretur, neq₃ fore æqua parte cōtentū, qui se omnia habiturū consideret. Quū igitur nostræ vires & opes, cū immēsa magnitudine, ac potētia Regis Hispanarū, sine fædo errore calculi cōferri nō possint: quæ spes? quæ fiducia nos inflat ut utilitati, vel necessitati poti⁹ animos submittere dedignemur? Pacē quidē arbitror magis in rem nostrā, exq₃ dignitate publica videri: sed quū in præsentia multis haud expediti cōsiliū difficultatibus obsessa sit ad eā via. fruamur interim usura tranquillioris status, & in lucro deputemus, quod tātis per à mutuis funeribus cessabunt manus, Quid enim? An nondū satis effusum est fraterni sanguinis? an nondum sceleris & cicatricum pœnitet? Quin potius, si tantopere bella cordi sunt, ferrū convertimus in hostē communē Christiani nominis? Illi exerce-de virtutis seges crescit, illic ad triumphum sacra via ducit, illic honoris cāpus patet At enim

enim duplex heic difficultas objicitur, quā
nisi summoveamus, omnis à publico consi-
lio spes induciorum excludi videtur. Ajunt
enim homines non imperiti rerum, nos o-
pinione hostiū p̄ infidelibus haberi in cau-
sa religionis, & in statu politico pro reis lēse
majestatis ac fœdifragis: nec obstare quod
obsignatis literis pronūciamur liber popu-
lus. ejusmodi enim testificationē nō immu-
tare naturā rerum, quum vulgo dici soleat
protestationē actui cōtrariam nihil operari,
plusq; in talibus valere quod in recessu mē-
tis occultatur, quā q̄ verborum formula
concipitur. Porro ne hæreticis fidem esse
servandā, nec principē paciscēdo cum sub-
ditis perduellib⁹ ullo nexu obligari: rectius
quidē & ex dignitate facturū, si se, nulla cō-
victione implicari patiatur, sin secus fecerit,
eum aut ipso jure non teneri, aut ad majorē
cautelam haud difficulter à Romanæ sedis
Prætore restitutionem in integrum, seu ab-
solutionē impetraturū. Hæc speciosæ dicū-
tur, & non nihil ex verò trahunt. Tamen si
levato velo rem ipsam inspiciamus, plus
Panici terroris habent, quā periculi. Nam
quod decreto Constantiensis synodi sanc-
tum esse fertur, fidem hæreticis servari non
oportere; Johānes Hussus crudeli supplicio
triste documentum præbet, quā parum
præsidi

præsidii fuerit in salvocōductu Cæsaris, adversus vim & violētiam purpuratorum patrum, qui hominem innocētissimum vivicomburio sustulerunt. Sed quæsitæ est latebra perjurio ex calumnia quadā, & malitiosa juris interpretatione. Negant enim Cæsaris fuisse publicam fidem concedere in fraudem & præjudiciū Ecclesiasticæ jurisdictionis. Hieronymo Pragenſi comœtum obtulerunt, sed qualē ægrotus leo permittebat bestiis ad se visendum accidentibus, ubi apparebant vestigia

Omnia se adversum tendētia nulla retrorsum.
Verū simplicius est confiteri, tum factum ipsum prorsus illiberale, atq; in humanum, tum decretum improbum videri, quo labefactatur ab imo fundamentum humanæ socialitatis. Lex illa sanguine scripta per desuetudinem evanuit, nec ulla, quod sciam, exēpla præterea occurrunt ubi fides publicè data vel hæreticis servata non sit. Quod de perduellibus dicitur, scio conventiones eas, quibus principes paciscuntur cum civibus olim imperio suo subjectis, egere multiplici cautione; quum plerumq; nihil altius in magnatum pectora descendat, quum offensusarū memoria, cupiditasq; vindictæ, licet odium & iras ad tempus concoquant ac dissimulent. Sed quænam firmiora securitatis
muni-

munimenta quærimus, quàm sponsiones
maximorum Regū ac Principum, qui fidem
suam ex nomine obstringunt, ne nobis cre-
dulitas aliquid apportet damni? Pontifex
nūquam sibi manus ligat, sed illius brutum
fulmen Batava virtus jam pridem horrere
desuit, nec ullo tam tenaci vinculo constri-
gi possunt ingenia Vertumnorū, quin vi-
am ad effugium reperire queant. Igitur se-
cludamus vanas rerum formidines, & diffi-
dentiæ causas nimis altè petitas quibus si in-
dulgeamus, nunquàm tot malorum finem
videbimus, nūquàm in boni spei portu an-
choram figemus, semper agitabimur tēpe-
statibus civilium turbarum ac discordiarū,
Concludam cum Diomede Virgiliano.

— *Coeant in fœdera dextra*

Quà datur, ast armis concurrāt arma cavete.
Deum ex intimo affectu quæso venerorque,
ut quamcunque in partem sese consilia no-
strorum Ordinum flexerint, ea Patriæ, Li-
bertati, & Ecclesiæ salutaria sint, atq; ad
felicem & exoptatum finem
provehantur.

F I N I S.



